

Sarajevo, 01.04.2019. godine
Broj: 01/c-14-485/19

Na osnovu člana 64. i 70., a u skladu sa članom 8. i 18. Zakona o javnim nabavkama BiH ("Službeni glasnik BiH" br. 39/14), odredbi Pravilnika o postupku dodjele ugovora o uslugama iz Aneksa II dio B. Zakona o javnim nabavkama ("Službeni glasnik BiH", br. 66/16), na prijedlog Komisije za javne nabavke imenovane Rješenjem o imenovanju br. 01/c-14-10/19, od 10.01.2019. godine, v.d. sekretara Zastupničkog doma donosi

ODLUKU
o izboru najpovoljnijeg ponuđača u postupku nabavke usluge hotelskog
smještaja za zastupnike u Predstavničkom/Zastupničkom domu
Parlamenta Federacije BiH

I.

Nakon provedenog Javnog poziva za nabavku usluge hotelskog smještaja za zastupnike u Predstavničkom/Zastupničkom domu Parlamenta Federacije BiH, objavljenog na web stranici Parlamenta Federacije BiH, **odlučeno je da se ugovor za pružanje usluga hotelskog smještaja dodijeli ponuđaču – hotel "Holiday", ul. Zmaja od Bosne br. 4, Sarajevo, prema Ponudi br. 01/c-14-485/19-3 od 22.03.2019.godine, sa ponuđenom cijenom u iznosu od 128,50 KM sa PDV-om.**

II.

Ova Odluka se dostavlja svim ponuđačima koji su sudjelovali u postupku javne nabavke, a u skladu sa članom 71. stav 2. Zakona o javnim nabavkama.

III.

Odluka će biti objavljena na web stranici Parlamenta Federacije BiH.

1. IV 19
Sp. roš
16.04.19

OBRAZLOŽENJE

Postupak javne nabavke za nabavku usluge pružanja hotelskog smještaja za zastupnike Predstavničkog/Zastupničkog doma Parlamenta Federacije BiH proveden je na osnovu Rješenja o provođenju postupka za odabir najpovoljnijeg ponuđača za nabavku usluge hotelskog smještaja za zastupnike u Predstavničkom/Zastupničkom domu Parlamenta Federacije BiH br. 01/c-14-485/19 od 11.03.2019. godine.

Javni poziv za nabavku ove usluge objavljen je na web stranici Parlamenta Federacije BiH dana 15.03.2019. godine, a u skladu sa članom 8. Zakona, koji definira nabavku usluga na koje se primjenjuje poseban režim predviđen Zakonom i Pravilnikom o postupku dodjele ugovora o uslugama iz Aneksa II dio B. Zakona o javnim nabavkama ("Službeni glasnik BiH", br. 66/16).

Postupak je provela Komisija koju je imenovao v.d. sekretara Zastupničkog doma Parlamenta Federacije BiH Rješenjem o imenovanju br. 01/c-14-10/19 od 10.01.2019. godine.

Na poziv za dostavljanje ponuda, po isteku krajnjeg roka određenog za dostavu ponuda, u Pisarnici ugovornog organa zaprimljeno je pet ponuda, i to:

1. Ponuda hotela "Europe" d.d. , ul. Vladislava Skarića br. 5,
2. Ponuda hotela "ART", ul. Vladislava Skarića br.3,
3. Ponuda hotela "Holiday" ,ul. Zmaja od Bosne br.4,
4. Ponuda hotela "Mod"d.o.o. ul. Hamdije Kreševljakovića br.48,
5. Ponuda hotela "Residence Inn Marriott", ul. Skenderija br. 43.

Komisija je utvrdila da su dostavljene ponude prihvatljive za ugovorni organ, izuzev ponude hotela "Mod" koji ne posjeduje traženi smještajni kapacitet.

Ponude su dostavljene u skladu sa Pozivom za dostavu ponuda, te je zadovoljena transparentnost i konkurentnost s obzirom da je poziv za dostavu ponuda bio objavljen 14 dana na web stranici Predstavničkog/Zastupničkog doma Parlamenta FBiH.

Komisija za javne nabavke sačinila je zapisnik o otvaranju i zapisnik o ocjeni ponuda br. 01/c-14-485/19 od 29.03.2019. godine, te predložila v.d. sekretara da se ugovor za pružanje usluga hotelskog smještaja za zastupnike u Predstavničkom/Zastupničkom domu Parlamenta Federacije BiH, dodjeli **ponuđaču koji je ponudio najpovoljniju cijenu – hotelu "Holiday" ,prema ponudi broj:01/c-14-485/19-3 od 22.03.2019. godine, a u iznosu od 107,70 bez PDV-a, što sa boravišnom taksom i osiguranjem, koji nisu oporezivi, te sa PDV-om iznosi 128, 50 KM.**

Procijenjena vrijednost nabavke za period od godinu dana iznosi 20 000, 00 KM, a vrijednost okvirnog sporazuma za period od 3 (tri) godine je 60 000, 00 KM. Usluge će se pružati sukcesivno u zavisnosti od potreba ugovornog organa.

U postupku donošenja odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te ocjenu prispjele ponude, u skladu sa kriterijima iz Poziva za dostavu ponuda.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Pozivom za dostavljanje ponuda.

Na osnovu naprijed navedenog donosi se ova Odluka.

POUKA O PRAVNOM LIJEKU:

Ponuđač koji je učestvovao u postupku javne nabavke može radi zaštite svojih prava i pravnih interesa u roku od deset (10) dana od prijema Odluke o izboru najpovoljnijeg ponuđača izjaviti žalbu ugovornom organu u dovoljnom broju primjeraka.

Dostaviti:

- v.d. sekretara Doma;
- Komisiji za provođenje postupka PD; ✓
- Hotel "Europe" d.d., ul. Vladislava Skarića br. 5;
- Hotel "ART", ul. Vladislava Skarića br.3;
- Hotel "Holiday", ul. Zmaja od Bosne br.4;
- Hotel "Mod"d.o.o. ul. Hamdije Kreševljakovića br.48;
- Hotel "Residence Inn Marriott", ul. Skenderija br. 43;
- a/a.

